

*Affli-  
ctorum  
Oratio  
est Deo  
gratissi-  
ma.*

enim Deus gratiam habet orationem quæ devota sit & caleat, longe tamen gratiorem habet illam, quam homo in hac afflictione, tentatione, ariditate, & tristitia fundit. Nam sicut cor patris magis commovet & emollit filius ægrotus voce lamentabili gemens & balbutiens, quam si alius integrę valedudinis firma oratione ipsum imploret: ita clementissimo Deo nostro, hominis pusillanimis, modicæ fidei, Spiritu pauperis, & consolatione destituti interna occultaq; afflictio & aspiratio longe acceptior est, quam si firma fide & gaudibundus aliis ipsum adoret. Gratiam autem quod attinet, eam summus Deus suo tempore restituet, nec ultra denegabit.

## CAPUT XXI.

### DE EFFICACIA HUMILITATIS virtutum nobilissimæ.

Judith 1. *Superbi ab initio non placuerunt tibi, sed humilium & mansuetorum semper tibi placuit deprecation.*

**S**ine verahumilitate nihil est omnis oratio. Humilitatem vero à nemine

ne